

四庫全書

集部

欽定四庫全書

集部

西陂類稿卷一至四

詳校官起居注主事臣顧宗泰

助教臣常循覆勘

總校官檢討臣何思鈞

校對官編修臣勵守謙

謄錄監生臣朱腹松

欽定四庫全書

集部七

西陂類稿

別集類六

國朝

提要

臣等謹案西陂類稿三十九卷

國朝宋肇撰肇有滄浪小志已著錄是編凡詩  
二十二卷詞一卷雜文八卷奏疏六卷其詩  
之目曰古竹圃稿曰嘉禾堂稿曰柳湖草曰  
將母樓稿曰古竹圃續稿曰都官草曰雙江

倡和集曰同中集曰西山倡和詩曰續都官  
草曰海上雜詩曰漫堂草曰漫堂倡和草曰  
嘯雪集曰廬山詩曰述鹿軒詩曰滄浪亭詩  
曰迎

鑒集曰紅橋集曰迎

鑒二集曰清德堂詩曰迎

鑒三集曰藤陰倡和集曰樂春閣詩曰聯句集凡二  
十有五其初本各自為集晚年致仕居西陂

乃手自訂定彙為茲帙惟初刻綿津山人詩  
集刪除不載蓋以早年所作格調稍殊故別  
為一編不欲使之相混也彙雖以任子入官  
不由科目而淹通典籍練習掌故詩文亦為  
當代所推名亞於新城王士禎其官蘇州巡  
撫時長洲邵長蘅選士禎及彙詩為王宋二  
家集一時頗以獻媚大吏為疑趙執信尤持  
異論併士禎而掎軋之平心而論彙詩大抵

縱橫奔放刻意生新其淵源出於蘇軾王士禛池北偶談記其嘗繪軾像而已侍立其側後謁選果得黃州通判為軾舊游地又施元之蘇詩註久無傳本瑩在蘇州重價得殘缺為校讐補綴刊板以行其宗法可以概見故其詩雖不及士禛之超逸而清剛雋上亦拔戟自成一隊其序記奏議等作亦皆疏暢條達有眉山軌度士禛寄瑩詩有曰尚書北闕

霜侵鬢開府江南雪滿頭當日朱顏兩年少  
王揚州與宋黃州言二人少為卑官即已齊  
名不自長蘅合刻始所以釋趙執信之疑也  
然則士禎亦未嘗不引為同調矣乾隆四十  
六年十二月恭校上

總纂官<sub>臣</sub>紀昀<sub>臣</sub>陸錫熊<sub>臣</sub>孫士毅

總校官<sub>臣</sub>陸費墀





西陂類稿序

吾友商丘先生所為詠歌風雅之文曰某稿某集者數之凡三十有四而書奏序記辭令之文稱是焉於是綜其條貫列其叙位次其時月別其游處臚其嚮所名者匯為全編名西陂類稿西陂者舊廬也是時先生居西陂以書來謂余曰吾愛子之為文幸序而述之予發書慚汗厯旬涉月坐卧誦之行道則戒僮御持載以從蓋予之能卒業於先生之文大抵在車馬馳逐徒侶雜沓

之時而習復呻吟忘其罷憊廢亂而有息焉游焉之樂者此心則在西陂煙水之間也山水之樂亦恒人之常情而予之息焉游焉以西陂烟水之間者凡以先生之文之美矣夫世之影華纓曳高裾駕輕策肥以游於名利失得之場飄忽震蕩而不知止者蓋其所樂在彼而不在乎也先生有道而能文得之於心行之於已澤加於天下其達於製述徵於比興者西陂之樂蓋無時而忘之故能興感於人心學者隨其所見皆有以自得於

塵垢之表忘其所憂而樂其所樂也歟先生恬澹寡欲  
有超然遠覽之志自其服膺文獻紹美前光學成而仕  
游歷中外常以書卷自隨晚而彌篤故其文閎深雋永  
尤長於諷諭之言以予之思雜風塵樂而不倦則亦豈  
徒耽文辭翫耳目而已哉其得於先生者亦已多矣雖  
然今歸老故山白首學道而茫然如故吾也先生有道  
而能文其何以教我哉客有言者曰先生之文先生之  
道之所存也子既樂之道在是已予嗒然移時曰敢不

勉乎公教我矣併書之以為西陂類稿序康熙五十年  
辛卯三月澤州陳廷敬撰

欽定四庫全書

西陂類稿卷一

吏部尚書宋榮撰

古竹圃稿

齋居

窮秋風雨積茫茫  
失昏曉擁被卧匡牀  
簷前嘒孤鳥披衣啓  
達戶千林忽如掃  
黃葉滿階除  
菊華亦已槁  
紫蘭落其英  
飛蘿尚嫋嫋  
顧此歲云晏  
抑鬱傷懷抱  
空簾閉

幽獨遺編恣探討今古兩難名寒牕盪叢篠

空城雀

空城雀聲啾啾羣飛往來求其儔蓬科有子壕有水朝  
夕飲啄樂無已慎勿飛向人家裏少年挾彈子兒童把  
黏竿人家待爾供盤餐嗟哉爾雀百憂攢

賜宴

執戟趨丹陛雲霄侍禁饗仗前朝賜坐苑裏晝傳餐醺  
醪黃金碗櫻桃赤玉盤承恩歌湛露獨有近臣歡

大獵

講武

天王事觀風

聖主心三驅寬肅殺八駿鄙荒淫  
龍幄留中野霓旌出上林  
飲飛隨衛士夙昔荷恩深

古廟

峻嶒古廟坐荒岑神鬼森羅玉座深  
畫壁旌旗閒自動雕簷松柏晝長陰  
行人十里聞鐘至怪鳥三更入戶吟

欲問何王香火地，螭碑零落土華侵。

天河

萬古秋霄上迢遙，一水橫光涵星宿。  
小影帶月華清灝，氣通滄海餘波洗。  
甲兵年年鵲橋渡，牛女可憐情。

送里人南歸

幾日烽煙息，天涯君獨歸。  
且消今夜酒，去掩故園扉。  
臺圯黃河逼，村荒紫葢肥。  
吟詩倍惆悵，心逐片雲飛。

戚家堰



遠樹重重雜暮烟  
荒灘流水自潺湲  
漫言此地行人少  
解甲歸農始二年

東村刈麥

五月東村麥芄芄  
沒隴高因風翻廢圃  
過雨亂平臯  
官帖儲胥急田歌  
鉦艾勞永言勤力作  
庶此慰嗷嗷

過北莊四首

凌晨天氣佳策馬荒城下  
一徑度陂塘泉源自傾瀉  
菱葉靜如拭荷花秀堪把  
迴溪鳥語多近岸人蹤寡  
縱目

碧煙深嘉禾盈四野

雨意有無間隨風倏以至喜茲土氣香何惜霑衣袂  
捎林表疎灑灑田間細雲脚指頽岡雷聲出古寺白鷺  
遠更明黃鸝溼欲墜道旁有孤槐枝葉相虧蔽下馬雜  
地坐斑白與童穉話言固無倫樸直亦可對所願歲功  
成一朝償積稅

雨後耳目清幾處鳴蟬聒逶迤到荒村田園慰饑渴我  
屋八九間軒楹對空闊卧起遂移時憑几進粗糲俯仰

愜初懷吟咏得開豁  
朱槿綴籬邊青藤纏木末  
桃李何離離瓜實亦堪掇  
地偏勝事收心遠塵緣割  
寄語市廛人樊籠自可脫

振衣陟林丘曲徑任吾取  
有廟峙其巔蕭然見環堵  
鳥雀聚几筵牛羊散廊廡  
碑圻古篆文年代誰能數  
再拜一眺望微陽正亭午  
豆葉碧連雲黍苗青映土  
農事信可悅躬耕詎云苦  
攘攘走兒童前村喧社鼓

落花

昨日花簌簌今日落如掃反怨盛開時不及未開好

嘉禾堂稿

蚤過東村

凌晨發逸興策馬背荒城平原何膾膾秋色殊空明疎  
雨夜來過林壑被餘清茅茨相因依蒼蔚藏柴荆已喜  
塵鞅隔沉聞好鳥鳴披襟話野老愉悅盪心情攘攘市  
廛內無乃喪吾生緬彼桃花源永言美躬耕

曉起

曉起兀坐南軒前物華滿目相新鮮海棠斑斑紅點地  
栢柏鬱鬱青參天屋上鳴鳩亦何意籬邊戲蝶真堪憐  
十日五日望雨急喜爾雲氣來飄然

宿州道中

相傳州有盜蹤祠

故國辭梁苑孤城問宿州驅車岐路遠到眼亂山稠塔  
廢巢雙鷁渠荒下片鷗東陵香火在試問欲何求

過鳳陽

廢殿今猶在祠官久不供牧牛來豎子棲鳥失長松日

抱蒼崖遠雲流碧澗重

興朝忠厚意隧道有人封

夜發大山舖至關山作

夜發大山舖西南陟諸嶺崖谷將萬轉山木相與永殘  
月在林端層層散清影漱流趣不稀躋險心猶逞白芷  
映紅榴青蒲交翠荇行矣復停輿晨光忽耿耿何處子  
規啼回頭得深省

瑯琊寺

數里環蒼翠山門轉折多佛樓橫澗底講席峙巖阿細  
雨斜侵竹長虹晚入河到來清興發絕頂自高歌

歸雲洞

不盡登臨興新晴肯遽還側身山谷裏捫葛洞門邊石  
乳時時雨松陰處處煙黃昏仍倚杖片月向人懸

楚江曲

楚江來湯湯瞬息已千里明月在遙天清光散江水揚  
舲鼓柁欲何之今夜鄉心只自知側身北望風吹袂江

水東流明月西

咏史二首

吾觀曹參相英偉有奇抱攻城與野戰氣象凌蒼昊一  
聞蓋公言刻意遵黃老去齊語代者獄市并容好及其  
登朝後酣飲忘昏早歌呼和羣吏中懷何浩浩守成無  
異術清淨以為寶史遷贊匪誣極言能合道寄語功名  
人鋒稜亟須掃

古之恭謹士乃推萬石君躬行感人主舉家盡欣欣惟



建稱克肖遇事展殷勤退朝入子舍手浣親中裙慶也  
稍簡易數馬有令聞雖曰天姿厚亦惟和氣熏千秋讀  
遺史藹然接清芬嗟哉世儒輩務華徒虛文

夏日同杜于皇康小范陳伯璣董文友倪閣公過  
高座寺訪無可大師復至萬松菴訪張爾公吳漢  
若即事有作

凌晨結伴出長干雲白山青野望寬花雨高臺聞遠磬  
松陰曲徑覓幽蘭六朝興廢從誰問一代風流接席看

欲刻新篁留姓字茶烟輕裊夕陽殘

烏江

落日烏江繫小船  
拔山氣勢想當年  
一間古廟荒烟外  
野鼠銜髭上几筵

題胡循蜚畫石

素壁陰森翠幾重  
卷然削出玉芙蓉  
知君不盡西湖興  
特寫飛來第一峰

贈汪孟初山人

石耳山中七十翁  
往來梁苑鬢如蓬  
可憐大有吟詩癖  
一日新篇滿一筒

武城道中

小邑名元著  
蕭條戰伐餘  
河流環廢堞  
茅屋枕荒墟  
日午行人少  
天空過雁疎  
明農方下

詔誰為勸耕鋤

西風

一夜西風急  
閒門落葉稠  
青煙收曠野  
白日媚窮秋  
鴻

雁歸應盡芙蓉晚故留無端悲節序惆悵向林丘

寄胡循蜚

忽憶西湖客端居歲月淹波光連小苑山色滿虛檐  
鬪著尊絲滑彈箏玉指纖何時能過訪賦筆許同拈

送胡去驕七十四韻

先子晉綸扉乃在丙戌歲賤子藉餘蔭觀光太學內時  
維童子年碌碌隨流輩君家先學士適踐司成位師道  
煥然明端居垂訓誨講學似昌黎斯文未終廢諸生荷

鈞陶賤子破愚昧正如草木生因人得灌溉持此感至  
德終身矢不匱無何歲月遷彼此忽異地回首歎猶龍  
中心徒憤憤辛卯夏五月先子遂勇退未成綠野遊已  
見墓門閉歎我失怙兒常懷負笈志嗚呼壬辰冬師也  
復長逝造物何冥冥吾道任凌替痛哭向昊天形容日  
顛顛狂與阮籍同貧豈原憲愧去去向京華孤身歷幽  
薊宮闕鬱嵯峨遠近相虧蔽桂棟映蘭橈臨風何綺麗  
奔走九陌中詞賦成嫚戲丁酉孟秋月與爾倏然值夙

昔未相逢一朝快把臂不遑問出處先自述家世四目  
如湧波各灑終天淚泣罷乃還歌斗酒竟沉醉俯仰天  
地間身名貴自致鸞鳳即難驚鴛鴦亦騏驥萬事無端  
倪誰能辨軒輊所幸有吾徒先猷未失墜一嘯暫揮手  
蹤跡兩捐棄西山新雨後何人挹蒼翠淹忽逾二年中  
懷鬱以積梁苑有薄田日夕甘負耒苦病類文園殷憂  
恒惴惴每咏蒹葭篇秋水渺無際山寒桂花落幾日幽  
盟遂徘徊歲云暮霜雪凋蘭蕙蓬蒿滿院宇直如張仲

蔚客自廣陵來停驂叩我第連宵夢見之失喜故人至  
入戶坐我牀張燈解君佩酌酒話艱辛山厨薦霜菜酒  
闌各就寢誰能便安寐更起坐月明蕭蕭朔風吹轉盼  
和氣回春事自茲始平臺峙沃野晴雲浮黶黠登高望  
四海樽酒尋常載黃河浩蕩流鄒枚竟安在懷古發奇  
情高吟屏塵態鴻雁競嗷嗷飛鳴向邊塞城市隱鱗鱗  
人煙何瑣碎時從竹園遊還向鶴洲憩平原十日飲盛  
事應難再此日最風流前徽幸可逮論文宗馬遷咏詩

追曹植正聲變衰靡明堂尊鼎鼐敢言身後名且快吾  
徒意門掩卷常披孟空酒更貫情親見肺肝意洽呼兄

弟舍弟炘與炆頗亦稱解事圍碁展戲謔染翰叨陪侍

徐子

恭

與葉君

荃

十載甘蘿薜時來共盤桓妙論焉能

計君言親未塋此地敢留滯中夜忽徬徨淚下霑衣袂

將命邗江舟兼鼓洞庭棹言辭何凜凜所貴在大義青

眼更誰開白駒難爾繫且復立須臾顏色暫相對風前

遠樹齊雲外晴巒出顧景倍惆悵折柳起長喟再拜贈



芻蕘明德須砥礪

城西陂泛舟二首

萬頃琉璃外，城樓似畫圖。  
危橋憑浪遠，野艇帶雲孤。  
渚淨花堪摘，沙明鳥自呼。  
歌頭傳水調，高興滿江湖。

柁響蛙聲歇，舟停露氣微。  
渚烟閒泛泛，汀柳故依依。  
白破晴沙遠，青抽鴈葦肥。  
羣鷗吾共汝，莫漫拂波飛。

牽牛織女

夜靜河漢明，迢迢流中渚。  
鼎足三星間，盈盈者織女。  
彷彿

佛是牽牛相對還自阻抱此萬古情悵望不能語惟有  
左右旗每夜伴機杼

出郭

出郭行未遠林壑相因依散步發逸興茅茨帶斜暉牛  
羊下前坡一一望柴扉徑轉桃李熟溪平魴鱖肥翠荇  
牽且流小燕止復飛時見村中人持竿坐漁磯即此堪  
怡悅攘攘竟安歸

秋日過秦虞桓草堂

借得山僧杖來尋處士家一丘森竹樹半畝足烟霞路  
轉寒潭靜堂開斷嶺斜漁舟時復至溪上有桃花

杖策

杖策城西路涼風八月天林深喧老鷓澗窄湧清泉雨  
氣秋原外人家夕照邊桃源真可覲吟眺未能還

登廢城

荒城亘數里形勢自森布秋草碧參差閒雲莽回互停  
車陟其巔披榛得徐步白日忽西馳乾坤入薄暮行潦

金史四庫全書  
接洪流歸人喧野渡遠村蚤稷收近岸寒鴉聚縱覽感  
孤懷含悽倚獨樹往者全盛日茲城稱虎踞城中十萬  
家歌舞不知數野騎來縱橫蹂躪失險固燐火照郊原  
通衢走狐兔遺鏃樵夫拾廢堡山僧住回頭市井間人  
煙已非故淒涼二十年小康猶未賦暫此息鼓聲遙天  
看飛鷺

稍晴

久雨苦泥滓瘦日見亦稀稍晴氣象好繞屋鳥雀飛朱

杞搖壞壁翠竹倚頽扉岸幘步秋草雲影落人衣蕭散  
有如此合取五絃揮

過盧溝橋

盧溝橋畔雪霜多今日衝寒又一過不道鄉心南去急  
祇疑波浪似黃河

涿州道中

暫喜風霾息還愁道路長蚩尤傳戰鬪獨鹿見青蒼地  
迴城依水天寒樹帶霜忽聞吹觱篥獵騎出長楊

宿金隄驛有感步申鳧盟壁上韻

晚飯依童僕燈前粗糲香窮途驚歲序好友惜淪亡

謂邢

臺黃更生臨

沼李臺辰

月暗寒雲重風淒畫角長鄭虔雙白鬢何

異魯靈光

時丁野鶴為容城廣文

清風店口號

店有西泠難女宋娟遺筆

淒風苦雨不勝悲獨宿清風店裏時一夜幾番添蠟燭

牆頭細讀宋娟詩

邯鄲道上

邯鄲道上起秋聲  
古木荒祠野潦清  
多少往來名利客  
滿身塵土拜盧生

山齋

庭隅危石競巉巉  
石上蒼松映碧杉  
登眺無煩尋五嶽  
晨昏長此對千巖  
風前雲氣來書幌  
雨後苔痕照客衫  
一卷南華堪累月  
滿階秋草不須芟

送李草樓太守之官黎平

五溪南下擁輕船  
後夜思君倍寂寥  
定有功名酬虎竹

何妨詞賦繼龍標  
山盤銅鼓愁陰洞  
江遠牂牁指暮潮  
回首中原飛鳥外  
嶺梅好寄一枝遙

沐浴子

澡身濁井泉  
沐髮渾水溝  
本欲求光澤  
翻貽七尺羞  
所以濯足者  
須乘萬里流

飲酒

日暮山色紫  
池水深且清  
園花半欲落  
宿鳥向人鳴  
浩歌酌春酒  
蕭然適此生  
明月如故友  
相對坐南榮



柳湖草

秋日柳湖僧舍二首

西風吹淡蕩秋色晝陰陰  
古寺塵喧隔空庭煙雨沉寒  
蛩啼壞壁清磬落疎林獨坐披圖史悠哉愜素心

秋花開石砌散步挹清芬  
山色當門見鐘聲帶月聞短  
衣添敗絮晚飯憶香芹何限京華客真同涇渭分

劉鴻臚歌

宣城劉公名光揚年過六十鬢髮蒼一身落拓僅三尺

雙瞳如水分毫芒十年海內盛翰墨短碣豐碑盡鐫刻  
琅華館與快雪堂至今處處生顏色憶昔

先皇天縱才臨池學書何勤哉

宸翰精妙古無比上與雲漢同昭回猶云絕技必古人  
窮搜墨寶前具陳真蹟雙鉤上文石揚也奉詔無逡巡  
玄秘塔九成宮經年摹勒何其工縱橫波磔無遺憾本  
來面目將無同搨成匍匐瀛臺奏

至尊含笑當清晝賜金賜絹皆固辭賜官拜受誠希覲

官列鴻臚承

帝眷從茲出入文華殿退朝常得奉

宸遊日下人爭識君面無何龍馭忽升遐薄俸雖存罷  
曉衙疲驢漫走長安道手持

御墨賣誰家歲云暮矣卧茅廬車馬蕭條故舊疎無限  
傷心堪灑淚柴門猶自署鴻臚

過沈仁伯寓

同是他鄉客看君倍可憐柴門寒背日土竈靜無煙車

馬交遊少丹青歲月遷騎驢暫相訪談笑得悠然

長安曲二首

滿目飛沙十月天名王新唱凱歌旋燈前解却黃金甲  
兩隊吳姬奏管絃

中和大樂類咸英九奏瀛臺悅

聖情昨日金鰲橋上過天風吹落鳳凰聲

和唐人姚倫感秋林作

霜滿空庭樹芳菲事已殊葉隨千陌迴影落四鄰孤蕭

撼來秋月槎枒集夜烏東皇消息近何必怨彫枯

雁

萬里憑雙翼三秋乍一聲影隨霜月落陣帶野雲橫絕  
塞眠孤戍深閨倚繡楹淒清偏入耳何限暮愁生

雨餘

雨餘片月上光彩晶然開青松蔭幽徑白露霑荒臺攬  
衣恣閒步忽見飛鴻來浩歌感流景鬱思難為裁

題女郎畫梅

竹外香飄豔雪姿多情翠羽哢疎枝掃眉才子無雙筆  
貌得羅浮夢醒時

聞砧

一片空中響閨人萬里情夜深時斷續聽久忽分明韻  
起霜階冷風傳遠巷清搔頭添客恨不待峽猿聲

題雪景畫

層巖策杖立從容積素凝寒千萬峰老樹欹斜飛鳥絕  
寺門深掩一聲鐘

道中遇雨

目斷鄉關杳陰雲萬里生春衣逢暮雨疲馬望孤城  
壠麥參差秀村烟斷續明懸思歸舍日嫩竹滿前楹

荒村

霽色催征騎荒烟望戍樓斷雲寒遠樹殘雪曉盈疇  
菽水經時缺風塵幾日休歸心同塞雁迢遞下河洲

將抵里門途中苦雨二首

咫尺淹歸騎荒村暮雨聲愁眠曹叔邑夢繞宋王城  
野

店牛羊聚虛簷鳥雀爭出門泥滑滑翻羨雪中行  
入夜響滂沱空房水氣多也知田父喜其奈客愁何紅  
燭消殘夜清樽發浩歌橫流前路滿聞說漲黃河

西陂類稿卷一



欽定四庫全書

西陂類稿卷二

吏部尚書宋肇撰

將母樓稿

秋日赤壁公譙用徐亦史令君韻

飛蓋真成爛熳遊孤亭如笠俯黃州  
褰衣盡有滄洲興對酒寧無白雪謳  
斷岸霜風吹草樹寒江煙雨凍鳬鷗  
中宵漸吐東山月揮手還登百尺樓

破額山前碧玉流歌

破額之山何崔嵬雙峰對峙雲中開上有青松萬樹相  
糾結下有飛泉一道相縈迴乘風直下一千丈石魚磯  
上如奔雷石魚映日鱗甲動噴波幾欲揚其顙我從塵  
中來選勝此徘徊釋氏遺蹟樵人說山腰殿閣生蒿萊  
何必窮巖穴此際宜銜杯長橋如螭跨瀑布顧盼忽已  
離塵埃橋邊三大字云是柳河東石崩水激苔紋紫其  
書彷彿如驚龍摩挲發高興吟眺凌長風安得攜家誅

茅此中住漱流枕石歡無窮

食鼈羹作

介蟲之元勢最豪如輪穹脊來江濤盤餐誰使窮水族  
滋味直欲分太牢犀箸交錯亦何忍鷹刀縷切隨所遭  
嗟爾子公竟染指須知口腹難為操

曉起

朝陽欲上雲氣寒江湖一望波濤寬哀鴈去樓不盈尺  
疎竹搖風纔數竿天涯歲暮倍惆悵孤身小院仍盤桓

樽中有酒須盡醉昨日菊花今日殘

種松

一片青蔥色移來歷萬峰數枝初伴鶴孤幹已猶龍日  
瘦陰還薄風多響自重歲寒堪寄傲何必大夫封

即事六首

兩年宦況一囊詩盡日都為嘯咏時欲向前廳了公事  
二三老吏正圍碁

危樓百尺向江開把酒登臨日幾迴隔岸樊山能好我

故將青翠入牕來

東齋不復似官衙  
竹徑松扉興自賒  
最是園丁能解事  
黃昏時節課澆花

土定盤中堆茉莉  
漢銅壺內侵荷花  
垂簾靜對郭熙畫  
散髮頻傾陽羨茶

雨過山光翠且重  
一輪新月掛長松  
吏人散盡家僮睡  
坐聽寒溪古寺鐘

聚寶山頭日已曛  
閒尋怪石踏飛雲  
牧童樵子相傳說

拾得應來獻使君

江上行送陳義扶

籬邊黃菊如金錢與君對菊當秋天樽中有酒如流泉  
與君對酒吟新篇盤桓十日樂不極如何忽汎湘江船  
湘江之水流潺湲青山兩岸相連綿送君南浦日將夕  
高歌一曲扣其舷一曲未終帆已揚臨風分袂徒徬徨  
蘆花楓葉皆愁色況復猿聲堪斷腸

秋興四首

楚中形勝說黃州  
亂後依然江水流  
到眼雪堂紅樹老  
傷心赤壁白雲秋  
官閒射虎時驅馬  
歲晚看山幾上樓  
俯仰天涯蕭瑟甚  
叢篁寒雀暮啾啾

侍從當年向

紫宸天街走馬錦袍新  
門開左翼貂璫聚樂奏中和豹  
尾陳西苑射生叨宴飲  
南郊饗帝仰明禋  
鼎湖龍去辭  
丹闕淚灑滄江把釣緜

昨日聞人說洞庭滄波浩淼接雲汀  
遲迴煙艇空中見

斷續漁歌浦外聽柳穀廟深飛素月湘妃墓冷閃秋螢  
何時鼓柁乘流去遙識君山一點青

公庭吏散快閒身茗椀詩筒發興新春水得鱗晨獻母

秋風剪韭夜留賓三年偃仰江湖闊數子追隨笑語親

忽復冥鴻天外去蘆花鷗鳥正愁人

時何道岑王  
侯齋同眾官

葛殿卿雨中見過即席賦贈用彭禹峰先生韻

吳楚風煙入望寬嗟君歲晚未能安半生遊宦功名薄  
四海依人道路難赤壁孤舟楓葉冷臨皋古寺雨聲寒



何妨十日衙齋坐  
碧酒黃花取次看

陽邏大士閣

陽邏江邊赤石磯  
崢嶸高閣帶斜暉  
千帆風雨當牕過  
萬頃煙波傍檻圍  
白鳥銜魚棲佛座  
紅桃映水出禪扉  
宋元戰伐傳來久  
弔古悲歌幾振衣

寄徐恭士

海內文章伯  
還推徐穉優  
多時成白首  
何日到黃州  
鴻鴈三春少  
雲山四望稠  
臨風聊寄訊  
遲爾月波樓

瓶梅

愛爾菲菲豔雪安高齋清案最相宜故園千樹開還落  
却向黃州借一枝

秋日江上送曹吉玉入粵胡去驕入吳

二子乘秋發扁舟泛大江別離知有約懷抱詎能降庾  
嶺梅千樹吳天鴈一雙山樓相憶處明月正窺牕

秋雨

浙瀝來虛閣蕭疎動遠林雨添官舍靜雲入大江深客

思消樽酒勞歌託玉琴一簾寒氣逼惟有草蟲吟

雨後

雨後月倍明清光散秋圃魚躍幽澗水鳥墜空亭樹我  
來忽感此披衣驚四顧含悽誰復言悠然成冥悟

望龍蟠磯

孤嶼排空起波濤萬頃連蛟龍畱窟宅殿閣自江天法  
鼓聞山縣神鴉送客船沙頭閒極目斜日起蒼煙

過寒溪寺二首

曉起泛澄江寒溪尋古寺捨權越崇岡遙山送青翠稻  
畦遠近看窈窕垂新穗流泉活活通白鳥翩然至伊余  
耳目清已快平生志矧迺澗壑幽咫尺藏初地杖策望  
山門雙幢樹間出

琳宮盤谷口喬木帶飛蘿到門聞啼鳥幽意亦何多  
褰衣入淨域樓閣森嵯峨老僧禪誦罷洗甕插新荷見客  
競前進禮數謝煩苛茶瓜列方丈談笑對巖阿淹留遂  
日夕齋鼓喧靈鼉

東齋作

官衙類荒村高齋莽寥廓几席控江湖軒楹帶巖壑往  
往山水音泠然座中作牆隅竹與蕉枝葉相參錯青黃  
麗可觀如對三春萼嚴霜旦夕來霑灑將零落燦燦東  
籬花顏色已非昨臨風步廣除徙倚聞寒雀眷言盛歲  
淹顧念修名薄撫衷抱鬱陶任運甘蕭索載咏素餐詩  
于焉發內作

春日偶成同張長人用王雪洲給諫韻

金定四庫全書  
卷二  
城荒官舍靜晨夕聽江聲春晚煙波闊風高鶴鶴鳴三  
年京國夢萬古楚騷情樽酒脩篁下窺人片月清

程石門覲畢歸滇舟過江上以新篇見寄依韻奉答  
虎拜新從鵷鷺班雲霄高躅未能攀纔來別浦風前櫂  
又隔寒溪雪後山一代雄文傳諭蜀十年薄宦佐征蠻  
相思況接瑤華贈目極歸鴻落照間

黃州除夕三首

歲除官愈閒不復親文牒長嘯向高齋磨墨寫門帖

弟作燕山客兄為漢水遊高堂當此夕兩地思悠悠  
何限鄉關思天涯獨倚樓最憐小兒女談笑說黃州

大別山謁禹廟

古廟峻嶒霄漢閒紆迴石磴曉躋攀庭前碑勒岫嶮字  
棟裏雲生大別山浩蕩神功崇報祀蒼茫江水送潺湲  
自憐浪迹同漁父風雨孤舟數往還

樓上望江南諸山用太白韻

登樓望南山千峰秀無限朶朶青芙蓉嵯峨常在眼山

根界大江驚濤如雪卷坐來移我情高歌興不淺薄暮  
白雲生茫茫失絕巘

月夜用韋蘓州韻

春風淡蕩吹階草參差發晚晴林靄收步此階前月徙  
倚望南山連天青未歇

樊口二首

地接滄江遠波連曲港深人煙環近渚雞犬散疎林水  
落魚初出山高日易陰只應同釣叟來往得幽尋



落日荒江畔，停橈處處船。  
人間沽酒地，風冷賣魚天。  
遠水菰蒲接，空林橘柚懸。  
坐看新月上，長嘯破蒼煙。

感遇七首

涼秋豐暇豫，齋居對空林。  
微雨長苔蘚，院宇晝陰沉。  
仰睇鴻鴈翔，俯聽蟋蟀吟。  
撫時惻物變，感歎勞余心。  
江湖浩漫漫，名山鬱嶇嶇。  
嶽祇應遊寂寞，沮溺相追尋。

北牕數武地，蔓草不復除。  
中有傲霜花，枝葉何扶疎。  
繁英冒煙靄，爛然照吾廬。  
采采欲盈把，馨香襲衣裾。  
晚成

有餘美奚事豔陽初豔陽桃李開歲暮將焉如

漢代重外戚田蚡與竇嬰灌夫豪俠徒爵位各崢嶸大  
業既已定氣勢還相傾如何杯酒地遂使荆棘生竇氏  
稍退讓亦多偏黨行凶德適參會稽福安能平徒令千  
載後史冊有譏評

斜陽在庭戶忽已至夜分空齋燒短燭耳目淨塵氛蕭  
條風落木淡蕩月穿雲緬彼同懷子千里隔清芬願言  
采瑤草寄爾將殷勤關山渺何許鴈影徒紛紜中心愁

如擣惆悵楚江濱

昔者郭令公英風擅八區功高名亦重豪奢為歡娛誰  
知歌舞場乃為恬淡圖後世齷齪輩致身多歧途一朝  
遂富貴金紫耀其軀堂上錦繡圓堂下劒戟趨有時明  
月落酣飲臥氍毹百事盡荒廢四顧殊睢盱翻笑讀書  
子自守何其愚嗟哉孰與辯頰首起長吁

巫山女粗醜乃有王明君峽中寡俊才屈原撰奇文靈  
芝出糞壤所自安足云胡為紈袴子家世誇令聞俯視

蓬蒿士宛如河漢分貴者擅其貴雞鶩徒紛紜賤者守其賤蘭蕙同芳芬

太上有立德其次有立功文章亦末事自古薄彫蟲安能恒誦讀皓首敝帷中奮起擊長劍斗室生雄風高歌命樽酒氣欲凌蒼穹歲月不我待江上彫青楓欲濟恨無梁俯仰心忡忡徬徨日終夕羨彼雙飛鴻

小孤篇

小孤之山孤且高干雲矗漢何雄豪崎嶇磊落遠難辨

惟見千尋玉筍穿江濤我來探竒乘漁舫長歌直上如  
猿猱攀蘿捫葛踏陰磴耳邊恒聽風怒號大江浩浩何  
處來排空倒峽岷山開洞庭彭蠡相灌注此山不動真  
崔嵬馬當橫其下彭郎跨其旁匡廬五老拱而立雲煙  
出沒遙相望山腰有飛閣繡柱映彫甍金支翠旗光閃  
爍神之座兮何崢嶸臨風倚杖興無窮振衣直欲凌蒼  
穹孤亭如笠峙峰頂俯視吳楚青濛濛夜靜鼃鼃觸石  
壁秋高鶴鶴鳴霜楓白鷗鳥鬼不知數銜魚哺子懸崖

中小孤勝如此大孤復何如江天空闊看不極白日西  
江月初吾生願此老樵漁采山釣水歌歸歟安能奔走  
風塵朝復暮令人摧眉折腰有志不得舒

舟泊老鵲口與邱署戒登岸小飲

曲港危檣密空江落日圓故人初邂逅野岸共留連  
摘新蘭嫩魚烹小鯽鮮村醪容易醉好傍白鷗眠

望太子磯

路轉樅陽口遙看太子磯小山橫碧浪古廟冷朱扉  
曝

日靈鼉上銜魚水鳥飛何當佩笮簪一櫂此中歸

板子磯望蕪湖有感二首

雲影悠悠浪影微呢喃紫燕傍船飛  
春風桃柳增人恨又到江南板子磯

乘風一櫂向鳩茲獨倚船牕憶往時  
多少故人零落盡

識舟亭上又題詩

謂唐祖命陳伯璣諸子

春夜舟泊蕪湖飲識舟亭

岸幘空江上登臨有廢亭檻邊看夜市  
杯裏落春星故

友渾彫謝漁歌半杳冥淒其遊子意明發又揚舲

江上望九華山

太白古豪士名比青琅玕常爲江南客九子得奇觀坐  
愛蓮花峰排空何巒岼嘉名此肇錫洵足重煙巖我行  
訪巖壑鼓枹凌江湍蕭晨懷勝賞鼓枕未能安須臾共  
舟子指顧天際看巖窾羣岫出秀色良可餐嵐光殊縹  
緲頓令江空寒雖未窮靈境已發中心歡如同所思友  
一旦相盤桓悵望恐卽過捨櫂步回灘亭午獨延佇願



假高飛翰

雨中同友人過松濤菴小飲

共有尋幽興  
招提冒雨過  
雲飛深院靜  
松響暮山多  
古殿聞清磬  
芳樽對碧蘿  
莫愁歸路滑  
吾欲臥巖阿

舟泊天門登梁山

水宿苦縈迴  
維舟步江滸  
天門劃然開  
竝峙雄千古  
梁山巖壑幽  
突兀若廊廡  
穿雲一逕遙  
林薄靄春煦  
峰腰棠棣繁  
磧側朱櫻嫵  
芬菲表雜花  
採擷欣儔伍  
峻嶒殿

閣懸飛梯梟相拄登臨力屢疲嘯傲氣還鼓乘風凌絕  
巔浩蕩江天俯博望咫尺間嵐影晴吞吐題詩憶謫仙  
斯人邈難覩日暮憺忘歸漁歌發煙浦

博望山名

晚泊江上

蘆葉蕭蕭響東風暮未停船多成小市浪闊湧疎星土  
俗從人問江湖倚櫂經最憐明月照千里亂山青

牛渚風雪歌

牛渚孤舟三日泊浩浩狂飈天外作驚濤巨浪若奔雷

岸柳汀花俱寂寞曉起蓬牕望冥漠雪花如掌紛紛落  
三月翻如臘月時急解春衣換狐貉雲氣蒼茫波上飛  
山村蕭瑟局柴扉蛾眉亭畔鷗鷺集水府祠中煙火稀  
采石之山盡長松盤旋磊落千蚪龍枝柯戴雲青且白  
天然圖畫何其工此地由來號靈窟逸興登臨莽超越  
然犀照水事徒傳開國英雄亦倏忽只應喚起謫仙人  
把酒江天問明月

謫仙樓觀蕭尺木畫壁歌

謫仙樓外長江流謫仙樓內煙雲浮懸崖峭壁欲崩落  
虬松怪樹風飈飈泉聲山色宛然在漁翁樵子紛遨遊  
細觀始知是圖畫捫壁惝恍凌滄洲古來畫手傾王侯  
筆墨恒令神鬼愁每入勝地亦揮灑元氣直向空牆流  
嗚呼維摩真蹟不可得通泉羣鶴無顏色當今畫壁數  
何人鳩茲蕭叟稱竒特前年掛帆牛渚來登樓一望胸  
懷開解衣盤礴使其氣倏忽四壁騰風雷畫出青蓮游  
賞處千年魂魄應來去匡廬雲海泰山松華嶽三峰點

秋樹朦朧細景不知數一生成出毫素雜花窈窕溪  
澗深野水逶迤洲渚露危橋壞磴荒村連多少林巒莽  
回互橫塗亂抹總精神河泊山靈不敢怒我聞畫苑有  
本源北宋董巨品格尊後來大癡與黃鶴氣韻超脫同  
法門叟也涉筆非徒爾黃王如在稱弟昆此畫此樓竝  
不朽殘山剩水奚足言我家賜畫舊滿箱年來卷軸多  
淪亡每與名流講繪事輒思鴻寶為傍徨今也見此心  
飛揚衆山皆響殊尋常不用并州快刀剪秋水但願十

金匱口占  
卷二  
日寢食坐臥留其旁

露筋祠次王阮亭儀部韻

細草平湖岸斜陽烈女祠  
扁舟人共繫懷古淚空垂  
小院留殘碣迴廊閃畫旗  
坐聞修竹響蕭瑟佩聲疑

重遊北固山甘露寺從礪道過放生池慨然有作  
凌晨訪名山細草芳洲路  
率律亘江天樓臺出煙霧  
盤紆叢篠深淅瀝清泉注  
探奇憶疇昔如駛流年度  
茲遊氣象殊初地添新戍  
嵯峨舊講堂列戟老兵住  
當時飯

僧釜刀劒久鎔鑄彫楹梁帝書摧折等林樹遊人偶經  
過踈踏生恐怖山巔古石亭曠覽欣如故依稀揚州塔  
突兀雲間露洪濤萬里來蕩潏朝還暮孰知人事遷抑  
鬱傷情愔老僧三四人幾載禪房寓較余為後來安能  
話平素山陰放生池磴道莽回互蒙茸荆棘生樵牧不  
復顧我行曳短筇石磴屢停步既至殿宇頽誰氏新加  
堊曩者三尺魚游泳生意足臨流倚曲檻朱鬣不知數  
一旦化為田年麥青青布帷餘蘿洞存絕壁斜陽駐三

歎共僧徒俛仰得深悟望望野薔薇微香風際吐

金山二首

不盡滄江水中流湧一峰雲霄開殿閣鐘鼓震蛟龍海  
逼風濤壯波翻紫翠重山腰添斥堠寨落幾遊蹤

妙高臺上月郭璞墓邊濤今古傳靈境登臨倒濁醪楚  
天雙過鳥吳苑一秋毫漁父煙波裏吾將共汝曹

同譚長益周廣菴玉叔兄遊焦山暮宿海雲堂四

首



不負名山約登臨快此時片帆投斷岸斜日到荒祠江  
俯盤龍窟人尋瘞鶴碑長風來萬里倚杖步遲遲

三詔高風在千秋詎可攀煙霞留古洞江海蕩空山絕  
壁飛蘿掛深林暮鳥還振衣峰頂上漁唱起沙灣

竹響參差發松陰遠近舒長歌傳澗壑歸路俯空虛梵  
放雲堂靜樽開海嶠孤坐間饒古蹟風調辨才殊

寺有周宣

王禹宋真宗明仁宗勅楊文  
襄公玉帶寺僧古樵能詩

一榻山房靜燈光四壁開驚濤天外轉殘月夜深來極

目塵喧隔驚心歲序催白蓮期結社禪誦傍香臺

焦山次王阮亭韻三首

山勢何峻嶒江流自平遠坐向海雲堂聞鐘日將晚  
山下有殘碑千年傳瘞鶴側足向荒崖奔濤幾時落  
洞壑不可識披雲共山樵夜深松響發疑是海門潮

第二泉同計甫草賦

寂歷空山裏涓涓第二泉來遊新雨後正值採茶天  
古甃莓苔積虛亭磴壑偏風爐松樹下石鼎句堪聯

弘濟寺訪蒲菴道人次杜于皇韻

一櫂破江光，捫蘿到上方。  
巖深石作屋，地僻水為鄉。  
鳥雀空林靜，茶瓜夏日長。  
吟詩偕老衲，清磬下迴廊。

秋日入楚舟中漫賦二首

江晚碧鱗鱗，輕舟下遠津。  
吳牛穿葦出，鷗鳥傍人馴。  
打鼓催田父，焚香賽水神。  
土風俱在眼，頃使客愁伸。

向晚張帆去，中流一葉輕。  
吳山隨鳥過，楚水劃天明。  
風雨王程遠，波濤旅恨生。  
烹葵還剝棗，清絕故園情。

江行

秋風颭颭涼吹衣舟行遠望青山微  
銅陵縣前煙沒郭  
樅陽渡口蘆攢磯一聲兩聲沙鳥叫  
千種萬種江魚肥  
掛席飄然入圖畫扣舷高咏當斜暉

賦得他鄉逢七夕即次孟襄陽韻

他鄉逢七夕渺渺獨生愁月照江潭櫺煙消水國樓  
青  
山當赤岸白袷快清秋天上佳期在還應妒女牛

馬當阻風歌

初唐才子郎琊客棲泊荒江幾晨夕馬當相助一帆風  
倏忽洪都走七百到時高閣綺筵張如椽之筆樽前擲  
吳家小兒氣阻消千載風流照簡冊我今入楚淹孤舟  
清秋浩淼江天碧石尤風起櫓難開鴈影蘆花共蕭瑟  
名山咫尺凌飛濤峯嶺千尋動魂魄臨流把酒酬山靈  
願借樵風慰于役夜闌不寐倚篷牕激灩長空霜月白  
舟過小孤次友人韻寄彭澤令李襄水二首

雨後江山氣象蘓白魚如劍躍菰蒲勞勞半載嗟行役

兩次征帆過小孤

煙波無際日高春  
峯孤峰紫翠重  
羨爾風流彭澤宰  
彈琴長對玉芙蓉

團風鎮避風用少陵萬丈潭韻

北風江上急濃陰  
忽如晦孤帆隨鷗鳥  
歎蕩洪濤內繫  
纜向洲渚一水接  
煙靄咫尺見鄰舟  
突兀枕樓大小船  
如蟻蝨絡繹兩岸  
對港深波復平陽  
氣浮澹瀕雪花遠  
近飛著地明璣碎  
荒村盡掩扉漁翁  
不在外驚心列戍

多到處懸旌旆江樓駐雄師  
聲名傳下瀨乾坤浩茫茫  
萍梗偕流輩百年境遇繁  
適意誰能最緬懷川路紆  
顧景蓬牕礙悵然念去春  
遊賞欣吳會

解纜二首

解纜滄江上乘風過遠汀  
樹留殘雪白雲斂亂山青  
歲月慚萍梗鄉園念草亭  
閒闊沙際鳥倚櫂幾回聽  
岸柳欹還立江雲斷且隨  
樓臺三楚麗巖壑九峰竒  
成遠聞霜角天寒狎酒卮  
孤舟何處泊落日水中低

西陂類稿卷二



欽定四庫全書

西陂類稿卷三

吏部尚書宋瑩撰

古竹圃續稿

齋中賞芍藥歌

東風澹蕩吹芍藥，幾日閒園開。倬約重跗累萼相鮮新，  
獨殿春光破寂寞。曉起園丁爭送花，竹筐絡繹當門遮。  
一筐千朶朶千瓣，挿來屏幃生雲霞。俯仰高齋花世界，

傾城傾國誰能畫  
餘花還浸老瓦盆  
分送鄰翁償酒債  
嗟我當年江漢遊  
花開不見迴生愁  
今也對此堪痛飲  
如澠之酒樽中浮  
酒闌獨把花枝勸  
小史清歌停復奏  
春殘無計惜將離  
惆悵宵來風雨驟

磁州道上

夾道清泉湧單車  
趁曉行魚苗穿荇  
亂燕子掠波輕風  
景如江國雲山接  
帝京邯鄲前路近  
身世問盧生

過內丘圓津菴遊印度上人園林

別業連方丈飛蘿滿院青花深藏亂水山小帶孤亭斷

筍晨炊潔聽鸛午夢醒愁腸難遽洗俯仰近沙汀

地近佛圖

澄清  
腸河

山店用沈繹堂太史壁間韻

策馬來山店臨風坐酒家陰輕槐漸葉香遠麥初花赤  
日空林外黃塵古道賒西湄無恙在秋水憶蒹葭

米紫來見訪柳湖寺

有客曳孤筇禪扉扣晚鐘風騷初地話茗粥老僧供藉  
草邀新月吹簫傍古松西山還有約明發入雲峰

僧房即事同周魚服使君

雨過莓苔淨禪房暑氣徂高林翻乳燕盆小簇新蒲畫  
識吳裝妙詩傳楚調孤故人遊屐遠山水話蒼梧

周宦  
粵西

聖安寺觀大內佛像有感

寺在柳湖村梅檀佛嘗  
飛至寺中元學士程鉅

夫有

記

先帝十八載垂衣坐明堂聖德婉堯舜鴻功邁三王猶

恐機智儔未盡返混茫爰資象教力感化遍遐荒黃金  
範古佛寶座森開張慈悲溢眉宇縹緲白毫光諸天左  
右侍神彩何飛揚珊瑚間木難衣甲相輝煌信非九重  
命兼之歲月長安能窮冥搜法象傳上方何期

先皇帝鼎湖驂龍翔金粟出大內輿送柳湖莊如同梅  
檀降古刹飄奇香僧徒肅鐘鼓旛幢紛兩行嗟哉都人  
士來觀競趨蹌維余越一紀棲托到禪房晨昏遂瞻拜  
寸心起傍徨嗚呼

金史四庫全書  
卷三  
先皇帝高深難比量即此善俗懷千載恒彰彰抱弓有  
遺痛淚下霑衣裳非徒向此地覺道覓津梁長吟望霄  
漢薄暮林煙蒼踟躕誰與說杖策入迴廊

寓寺晚步王阮亭以西山詩見投走筆奉答次集  
中卧佛寺韻

禪房睡初足微颺灑空林縹緲落幽磬泠然哀玉音支  
筇步苔徑拂石坐槐陰故人枉高唱乃自西山岑吟咏  
當日夕萬象森沈沈冰雪色在手蘭蕙氣盈襟始知簪

紱客獨抱雲霞心操絃將屬和愧此清廟琴

沙河旅夜用高蘇門先生韻二首

殘陽下遠山車馬行俱罷張燈飯始畢跂足身方暇荒  
城槐葉疎新月分茅舍緬想賦梅人商歌起中夜

中夜不能寐擁被念疇昔幾年漢水舟往日金門戟歲  
月忽推遷關山走晨夕三歎惻余懷霜風撼空壁

次韻訓陳其年

歲暮相逢掩竹扉林丘同著薜蘿衣天將賦草催枚乘

金史四庫全書  
卷三  
纔到梁園雪已飛

冬夜寄懷汪荅文民部

夫君江左彥郎署久棲遲傲骨令人少雄文後世知別  
離驚節序京國憶追隨搔首寒宵裏梅花正滿枝

陳其年同雪公早春雪後飲徐恭士齋中以新詩  
見示依韻奉和兼訂元夕之遊

憐君高卧旅懷增滑滑輕輶霽後乘小院寒梅尋故友  
一樽殘雪共詩僧相思竟阻山陰櫂後會應看兔苑燈



七字新篇遙屬和傳柑清興已飛騰

答一無道人時歸自西湖

南屏山下路孤檣繫青楓瓢笠尋西子風騷屬遠公去  
當霜月白歸及杏花紅莫漫詢遊記浮蹤等塞鴻

淇水

數里聞清響荒原一水流過橋噴亂石捲雪下空洲岸  
竹何年盡沙鷗幾隊遊永言君子慕斜日更淹留

夏日柳湖僧舍用王西樵吏部韻

向夕微風起遙天片月斜禪宮添闕寂

帝里得煙霞小院搖清磬長楸落晚花西山還對我空翠浩無涯

聞蟬

雨過招提靜新蟬幾處吟乍從空院落翻入亂雲深蕭瑟驚秋氣孤高託遠林誰憐羈旅客愁思正難禁

送友人下第還崑山

憐君不得意歲晚放舟行風雨燕臺別離騷楚客情故

山經虎阜遠水入婁城後夜相思處霜天過雁聲

過濬縣訪李梅臣程箕山二使君不遇

清樽綺席舊曾攀十載相思尺素艱往事共傳梁苑賦  
故人今訪大伾山雲深別墅蹤難問雪滿前溪櫂獨還  
向夕不堪回首望朦朧煙樹閉重關

晚次黎陽村舍

幾載驅馳鬢欲斑單車歲晚又南還路迴漸入長豐泊  
雲斂橫看善化山野店晚風留客早柴門新月放歌閒

連朝祇覺歸心急夢繞黃河水一灣

旅夜

歲晚嗟萍梗關山策馬行戴星纔一飽聞雁忽三更燈  
影兼人靜霜華逼戶清寒梅開欲遍迢遞故園情

仲秋送僧還金陵

幾載南湖上開池種白蓮又飛梁苑錫去汎秣陵船茅  
店清齋晚楓林野興偏中秋應到寺趺坐月明天

介子弟重葺西湄別墅漫賦

已闢臺邊徑還開水面堂  
滄波當檻繞白鳥傍人翔  
歲月消漁艇雲山借女牆  
啁啾絲竹在感舊淚霑裳

遊呂公堂

野艇晴波漾荒祠夕照殘  
林棲燒藥客門挿釣魚竿  
劍氣橫仙幄苔文繡古壇  
淹留新月上好取玉琴彈

綠牡丹二首

小院名葩絕代無雨餘新翠出叢孤  
芳姿點染勞青帝媚態依稀見綠珠  
色借苔紋春自占影分竹葉望來殊

徐熙好倩閨中黛別寫雕闌富貴圖

異種遙分洛下春青霞碧水鬪精神香傳蘿逕花難辨  
蕊映蕉牕色竝新翠被鄂君元獨擁黛眉西子正宜顰  
何當倒掛來么鳳點綴風光穀雨辰

汎舟南湖訪雪笠道人

過雨南湖去澄波照夕暉破船雙鷺浴疎柳一鴉歸鼓  
枻聞煙磬尋僧扣竹扉甘泉隨意煮真息漢陰機

從石公覓寫洛神圖詩以代簡

開士丹青妙入神應知顧陸是前身澄心片紙收藏久  
乞寫陳思賦裏人

周將軍邀同劉山蔚田梁紫南湖汎舟

過雨南湖浪拍天扁舟載酒興悠然魚莊鱗舍晴沙繞  
岸柳汀蒲暮靄連鷗鷺不驚塵外客笙歌真作水中仙  
漁陽老將顛狂甚倚櫂高吟未許還

輓周元亮先生四首

梁木秋風一夜彫江關紫氣黯然消虛傳謝傳耽高卧

絲竹東山已寂寥

舟移夜壑事難知  
孔李通門涕泗垂  
多少  
招賢廊廟客  
千秋還讓鄭當時

博雅爭推張茂先  
秦淮書畫載盈船  
即令舊物俱零落  
遺草猶傳祭墨篇

令子長安比舍居  
南歸曾寄數行書  
何期生死須臾判  
欲賦招魂淚滿裾

答雪公南湖寺見懷



美爾南湖上烟霞與結鄰  
荒城斜抱屋秋水澹迎人  
掛錫元無著抽毫迴絕倫  
不煩邀入社擬共采芳蘋

雨中西湄讌集

衝泥騎馬到林丘  
坐向空堂俯碧流  
烽燧滿天飛羽檄  
菰蘆此地隱漁舟  
開樽饒有清狂興  
散髮真成汗漫遊  
蕭鼓橋東喧作社  
太平風景尚能留

次韻答葉元禮三首

抱病經春掩敝廬  
閒看紅藥步階除  
臨風正憶人如玉

忽接雲霄尺素書

別後嗟余鬢欲霜  
閒閒十畝足相羊  
舊時歌管驅除盡  
獨把殘編坐草堂

新篇吟罷倚庭梧  
長嘯如逢舊酒徒  
疎狂最惱汪員外  
魚雁頻來一字無

謂茗文

都官草

同周岷公過楊士佳草堂因尋黃茅岡放鶴亭諸  
勝和酬士佳見贈元韻

為看君家竹同攜勝友過門前尋古跡山頂瞰長河  
鶴去空亭在岡迴怪石多一樽興廢感俯仰醉顏酡

春日同二客遊唐口山三首

偶作邾城客來尋唐口山雨添花爛漫風送水潺湲怪  
石環岡立殘雲度嶺還趣途偕二妙衣溼更躋攀

霽後春光好山椒杖策過逕紆封碧蘚洞古隱青蘿嵐  
翠侵衣袂樵聲答嘯歌斷虹天外掛流影入巖阿

絕頂窮幽勝盤旋入畫圖花垂千澗滿峰抱一菴孤傍

竈泉堪酌窺簷鳥自呼嶧山看不厭回首日將晡

榴花歎用昌黎杏花韻

芍藥已盡豐臺空階前榴花亦自紅乍開還落炎日裏  
狼藉其奈掀天風京師習俗好花樹中庭羅列家家同  
瓦盆矯屈作壽字數枝纔發無全功憶昔梁園掩關卧  
閒閒十畝東郊中名花千本竹千个海榴百尺抽芳叢  
三逕逶迤向別圃幾間茅屋環青楓花時觴咏恣盤礴  
清香披拂情何窮年來作客廢幽賞風塵奔走隨西東

猶對殘英起長歎抱甕擬作村居翁

題畫為王阮亭作二首

稻穫荻花殘空江橫舴艋蠡舍寂無人柴門夕陽冷  
軒開幽磴濱亭峙荒岡上來往茹芝翁楓林曳鳩杖

秋汎圖歌為田子綸員外賦

田子磊落天人姿一官郎署聊棲遲太倉之粟轉輸急  
城隅坐閱舟車馳東南民力正紆策唱籌河上恒攢眉  
岸柳汀花漸蕭瑟俯仰正值清秋時樽酒招尋展懷抱

輕船客與浮漣漪授簡應劉賦公譙南溪不數昌黎詩  
生綃誰為寫秋汎丹青直欲凌和之

宋馬和之

繫余卧疴掩

蓬戶國門咫尺如天涯傳來卷軸歎奇絕摩挲三日右  
手胝長安冠蓋少閒暇公等獨與煙波期淹留觴咏狎  
鷗鳥風流還可千年垂但願普天洗兵馬曲江選勝長  
追隨

同葉子吉張素存二太史王阮亭民部遊安親王  
園時王南征閉門不得入還過韋公寺和阮亭作

竟阻尋幽興空攜作賦才  
開樽思兔苑杖策過香臺  
畫棟秋雲隔松關暮雨催  
南征聞奏捷飛蓋會追陪

賦得荷枯雨滴聞

秋雨溟濛水一泓殘荷幾處向波橫  
田田頓改風前色灑灑偏傳葉上聲  
傍岸蛩吟爭斷續眠雲鶴夢助淒清  
初衣欲製嗟零落側耳方塘百感生

晏子披裘圖為魏環溪先生題

文勝末俗奢紛靡不知止  
鏤簋而朱紘仲父猶為此  
勳

業誠爛然器小盈易爾何如示儉德劑世齊晏子一裘三十年敝之而後已身不滿六尺衣褐最約矣尚懼怙侈生況乃大於是觀其相三君顯名炳良史深知越石賢解驂脫綬縲嗇已以施人士爭樂為死千載慕高躅願同執鞭士

讀新安呂氏家乘奉弔大司馬忠節公

有明當末造盜氛遍梁園渾池與伊闕銜斥黃巾繁偉哉大司馬里居作屏藩家資散不惜義士盈閭門保障



匪一朝誓死報國恩崇禎辛巳秋洛城被鯨吞城中十  
萬戶殺戮到雞豚而公罹凶鋒罵賊類平原精誠貫白  
日生氣凜然存昔公避璫燄七載卧荒村講學紹濂洛  
將使薄夫敦何期丁喪亂天柱摧崑崙嘉號易忠節代  
遠名愈尊睢陽張與許惟公足弟昆紛紛冠蓋者偷生  
安足論招魂一以誦哀怨流乾坤

夜霽書懷

連旬陰噎忽晴霽雲氣盡掃遙天青月影娟娟掛樓角

螢光閃閃穿牕櫺松濤忽動鳥驚起鄰笛橫飄入卧聽  
浪逐塵囂豈吾事詰朝擬斲嵩山苓

曹子有綠水送春帆之句一時豔稱之偶占絕句  
以贈用阮亭韻

公子高歌綠水篇清新五字劇堪傳如聞疎雨梧桐句  
心折襄陽孟浩然

遊祖園雜詩七首

春光偏向客中催選勝城南竝馬來多少閒愁消欲盡

路旁茅屋絳桃開

挿天高柳碧絲絲一片東風淡蕩吹彷彿隋家堤上過  
露條煙葉叫黃鸝

園林晴日散芳菲曲逕藤梢欲冒衣愛殺水亭風景好  
蒲芽纔吐燕雙飛

亭北名葩取次看一枝將放倚雕闌梁園記得春深日  
斗大花開綠牡丹

高臺突兀俯紅亭樹杪西山一抹青誰繫斑駁花塢外

金匱要略  
故吹長笛使人聽

名園自昔追隨數回首俄驚二十年最是夕陽花底坐  
遊絲依舊落尊前

折得風前赤玉枝帽簷斜插醉歸時重遊好侍將離放  
還唱旗亭絕妙詞

王北山給諫謝方山秋部招同諸公摩訶菴看丁  
香因訪慈壽寺元福宮釣魚臺諸勝三首

古寺花成幄霏霏過雨天穿林隨老衲捫葛上荒阡雙

闕晴雲外千峰夕照邊幸同江左彥觴咏足陶然

鄰寺看碑入仙居載酒行荒涼前代蹟憑弔此時情塔  
院飢飈竄丹房野蕨生松陰留小憩格磔暮禽鳴

欲訪垂綸處長歌鷺塢來澄波飛野鴨斷岸失孤臺正  
喜青藤共寧愁畫角催勝遊應再續計日牡丹開

奉送高念東先生

予告還山六首

香山今日咏歸歟真見高風漢二疏回首東華塵十丈

此中豈是賦閒居

獨向丘中弄玉琴  
滿園修竹舊清陰  
松巢結就聞竽籟  
靜掩雙扉戲五禽

自昔登臨說侍郎  
巖山萌水足相羊  
撈鰕淺水花明渚  
提榼空山雪滿岡

幾載勞山入夢賒  
荷衣今訪赤松家  
春風自唱遊仙曲  
采采溪頭巨勝花

秋官讀律心常苦  
冬夜聯吟興轉豪  
最是舊遊忘不得

一樽赤壁月明高

京國淹留衣化緇煙霞骨相辱公知青鞵布襪追隨去  
不待恒河照鬢絲

康熙二十年七月二十一日

上御瀛臺召滿漢諸臣汎舟賜宴兼頒彩幣有差宴  
畢仍賜菱藕紀

恩二十韻

聖主垂衣日遐荒貢雉年輓輸方濟晉凱奏又平滇世

際唐虞盛輔宜苑園前

翠華臨太液白露肅高天西嶺雲霞入南臺眺賞偏千  
官來絡繹一水渡潺湲擢揆青蒲偃魚跳碧浪濺牙樯  
驚屬玉龍旆映秋蓮路轉蓬瀛接樓開象緯連鋪茵依  
灌木張幄對晴川文綺

殊恩及重霄

睿命宣珍羞傳大內蘭蕙簇芳筵當坐清談許行觴跪  
飲虔勸酬元老洽感激小臣先既醉頌嘉果言歸壓錦



羈遭逢真幸矣報稱豈徒然執戟蒙

先寵分曹荷世延屬車懷夙昔執法愧班聯身漸馮唐  
老心希定國賢慶同洛都宴漫續柏梁篇

西坡類稿卷三